


Republika e Kosovës
Republika Kosova-Republic of Kosovo

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI – CORRUPTION AGENCY

DATË/A:	23.05.2014
REFERENC-Ë:	AKK-D.P.K.
PËR/ZA/TO:	z. Ardian Behra – Kryesues i Sekretariatit të OSHP-së,
Cc:	
PËRMES/PREKO/THROUGH:	
NGA/OD/FROM:	z. Hasan Preteni – Drejtore i Agjencisë kundër Korrupsionit
TEMA/SUBJEKAT/SUBJECT:	Opinion - Ofrimi i këshillimit profesional lidhur me Parandalimin e konfliktit të interesit në ushtrimin e funksionit publik

I nderuari ztr. Behra

Lidhur me kërkesën tuaj të pranuar në Agjencinë kundër Korrupsionit (DPK-03-1724/14), ju njoftojmë se; në kuadër të kompetencave të Agjencisë kundër Korrupsionit lidhur me konfliktin e interesit, sipas Ligjit për Parandalimin e Konfliktit të interesit në ushtrimin e funksionit publik (L.P.K.I.), Agjencia; *"bënë këshillimin e zyrtarëve të lartë të veçantë, të eprorëve, të institucioneve eprorë, me kërkesën e tyre, për raste të caktuara të shfaqjes së konfliktit të interesave, dhe për çështje të etikës të lidhura me to, si dhe me regjistrimin rast për rast të interesave"*, (Neni 19, pika 1.5, e Ligjit Nr.04/L-051).

Prandaj, bazuar në kërkesën tuaj, se a paraqet konflikt interesi ushtrimi i funksionit publik si Anëtar i Bordit të OSHP-së për zyrtaren e lartë znj. Vjollca Kurtishaj ne raport me angazhimin e bashkëshortit të saj ztr. Muhamet Kurtishaj - si Ekspert Teknik në ekspertizë të OSHP-së, në



pajtim me mandatin që kemi dhe duke u bazuar në Ligjet bazë të Agjencisë, për rastin e caktuar, kemi nxjerr këtë :

OPINION :

Nuk ka konflikt interesi faktik as të vazhdueshëm në ushtrimin e funksionit publik të Anëtarit të Bordit të OSHP-së dhe kandidatit për ekspert teknik në OSHP, por ka konflikt interesi të mundshëm që mund të paraqitet rast pas rasti gjatë ushtrimit të funksionit publik. Për tu parandaluar ai, zyrtari i lartë është i obliguar që ta deklaroj ate. Kjo po ashtu lidhet edhe me rregullat e etikës.

Ushtrimi i funksioneve publike nënkupton që zyrtarët e lartë nuk duhet që të lejojnë që interesat e tyre private të bien në konflikt me funksionet e tyre. Ata duhet të shmangin konfliktin e interesit pavarësisht nëse ai është real (faktik) apo i mundshëm.

Këtu do tu njoftojmë cilat situata konsiderohen konflikt interesi për zyrtarin dhe po ashtu, në bazë të kërkesës tuaj me numër protokoli të AKK-së DPKI-03-1724/14, do të përgjigjemi në pyetjen që ju e keni parashtruar në shkresën tuaj të datës 13.05.2014.

Së pari është me rëndësi të citojmë nenin 6 të Ligjit për Parandalimin e konflikti të interesit në ushtrimin e funksionit publik, i cili përkufizon ***çka është konflikti i interesit ?***.

Nga ky përkufizim kuptojmë, pos të tjerash, se; *“konflikti i interesit është gjendja e mospajtimit ndërmjet detyrës publike dhe interesit privat të zyrtarit të lartë, kur ai ka interesa private të drejtëpërdrejta ose të tërthorta, personale ose pasurore, të cilat ndikojnë, ose duket sikur ndikojnë në ligjshmërinë, transparencën, objektivitetin dhe paanësinë e tij gjatë ushtrimit të funksionit publik”*.

Po ashtu në Nenin 8 të Ligjit për Parandalimin e konflikti të interesit janë të përcaktuara detyrimet e zyrtarit të lartë për të shmangur situatat e konfliktit të interesit në ushtrimin e funksionit publik.

Në rastin konkret secili nga zyrtarët për të cilët ju keni pyetur, por jo vetëm ata, duhet që në raste të caktuara të bëjë deklarin rast për rast të interesave private.

Kjo është e rregulluar me Ligjin për Parandalimin e konflikti të interesit në tri paragrafe të nenit 13, si vijon:

1. Çdo zyrtar i lartë gjatë ushtrimit të funksionit të tij publike, në bazë të njohurive të tij dhe në mirëbesim, detyrohet që të bëjë vet deklarin paraprak, rast për rast, të ekzistencës së interesit të tij private lidhur me vendimmarrjen në një çështje të caktuar, që mund të bëhen shkak për lindjen e një konflikti të interesit.

2. Deklarimi rast për rast i interesave private bëhet çdo herë nga zyrtari i lartë, kur kjo kërkohet nga eprori ose nga institucioni mbikëqyrës. Deklarimi si rregull duhet kërkuar dhe



bërë paraprakisht. Kur kjo nuk është e mundur ose kur nuk ka ndodhur, deklarimi duhet të kërkohej të bëhet sa më shpejt që të jetë e mundur.

3. Vetë deklarimi si rregull bëhet me shkrim, kur zyrtari i lartë përfshihet në një vendimmarrje për ndonjë çështje të caktuar.

Në Rregulloren e punës së OSHP-së, neni 12 me kater paragrafe është i rregulluar edhe Konflikti i interesit si vijon:

(1) Një Ekspert i Shqyrtimit apo një anëtarë i Panelit Shqyrtues, një ekspert apo këshilltarë i pavarur, një anëtarë i ekipit të OSHP-së, nuk do të jetë i përfshirë në shqyrtimin e një rasti, nëse ai / ajo përballet me një konflikt të interesit të vendosur nga dispozitat e Ligjit Nr.03/L-155, i amendamentuar si Ligji Nr.02/L-133, për Parandalimin e Konfliktit të Interesit në ushtrimin e funksioneve publike (Ligj Nr.04/L-051, / vërejtja e AKK-së)

(2) Duke konsideruar ato që janë përmendur më sipër dhe arsyet për përjashtim, personi në fjalë duhet që menjëherë të njoftojë Kryetarin e OSHP-së, i cili do të merr vendim për përjashtim.

(3) Përjashtimi i Kryetarit të OSHP-së, do të vendoset në Bordin e OSHP-së, udhëhequr dhe kryesuar nga një Anëtarë tjetër në vend të Kryetarit.

(4) Rregulloret e njëjta me ato të përjashtimit të anëtarëve të OSHP-së, aplikohen për përjashtimin e Ekspertëve Shqyrtues. Përjashtimi i tyre do të vendoset nga Bordi i OSHP-së.

Mundësia për të qenë konflikt interesi mes Panelit Shqyrtues dhe Ekspertit teknik është te Paneli 5 anëtarësh, por edhe në këto raste Rregullorja e punës së OSHP-së ka paraparë zgjedhje që është e paraqitur në nenin 23 paragrafi 9 (Përberja e Panelit Shqyrtues), si vijon:

“Nëse ndonjë anëtar i Panelit Shqyrtues pesë-anëtarësh nuk ka mundësi të marr pjesë në Panel Shqyrtues , përkatësisht mungon për arsye të ndryshme siç janë sëmundja, mungesa e arsyeshme nga puna apo konflikti i interesit, Kryetari i OSHP-së , ka të drejtë që ta ndryshoj Panelin Shqyrtues prej pesë anëtarësh në Panelin Shqyrtues në përbërje prej tre anëtarësh”.

Kjo po ashtu është e rregulluar edhe me vet Kodin etik të prokurimit publik, në Nenin 4, në të cilin parashihet po ashtu deklarata e interesit. Aty shprehimisht thuhet:

4.1 Deklarata e interesit

Aty ku mund të ketë ndonjë interes personal, drejtpërdrejt ose tërthorazi, qoftë përmes biznesit, familjes ose miqve, ose përmes lidhjeve tjera, interes i cili mund të ndikojë ose mund të konsiderohet nga të tjerët me arsye se mund të ndikojë në gjykimin e personit dhe paanshmërinë e tij, në çfarëdo çështje relevante për detyrat e tij/saj, atëherë ai interes duhet që të deklarohet në mënyrë të qartë para eprorëve para se të ndërmerret ndonjë veprim në procesin e prokurimit.

Prandaj duke pasur parasysh të gjitha këto që u thanë më lartë, ju rekomandojmë që të veproni konform këtij Opinioni të bazuar në Ligj dhe Rregullore përkatëse, për të parandaluar dhe shmangur çdo situatë që mund të sjellë zyrtarët tuaj në gjendje të konflikti të interesit sipas dispozitave ligjore në fuqi.

Me respekt,

AKK * QAKSO

